

王孙满对楚子

左传

楚子

庄王。

伐陆浑之戎。

陆浑之戎、秦晋所迁于伊川者。

遂至于雒。

同洛。

观

兵于周疆。

雒、水名。周所都也。观、示兵威以胁周也。○一遂

字、便见楚庄无礼。

定王使王孙满

周大夫。

劳

楚子。

楚强周弱、定王无如之何、故使大夫劳之。

楚子问鼎之大小轻重焉。

禹之九鼎、三代相传、犹后世传国玺也。楚庄问大小轻重、有图周天下意。

对曰、在德不在鼎。

有天下者、在有德不在有鼎。○一语喝破。

昔夏之方有德也、

紧承德字。

远方图物、

远方图画山川物怪献之。

贡金九牧、

九州牧守、皆贡其金。

铸鼎象物、

以九州之金、铸为九鼎、而著图物之形于其上。

百物而

为之备、

百样物怪、各为备御之具。

使民知神奸。

使民尽知鬼神奸邪形状。

故民入川泽山林、不逢不若。

若、顺也。民知神奸、故

不逢不若。

螭、魅、罔两、莫能逢之。

螭、山神。魅、怪物。罔、两、水神。既为之备、故莫能逢人为害。

用能协于上下、以承

天休。

民无灾害、则上下和以受天之祐。○已上言有德方有鼎。

桀有昏德、鼎迁于商、载祀六百。

伏下三十、七百。

商纣暴

虐、鼎迁于周。

已上言无德则鼎迁。

德之休明、虽小、重也。

鼎非加大、而不可迁移、若增重然。

其奸回昏乱、

虽大、轻也。

鼎非加小、而汤武迁之、若遂轻然。○总括四语、正缴在德不在鼎意。大小轻重四字、错落有致。

天祚明德、有所底止。

言有尽头处。○二句起下、方入本意。

成王定鼎于郊。辱、○郊、鄩、东周王城、今河南也。卜世三十、卜年七百、天所命也。此天有所底止之定命也。周

德虽衰、天命未改。未满卜数。鼎之轻重、未可问也。结语冷隽。

提出德字、已足以破痴人之梦。揭出天字、尤足以寒奸雄之胆。